



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Archipresbytero Et Capitulo Garganicæ Ecclesiæ.

urn:nbn:de:hbz:466:1-20020

instituta & temporalibus amplificetur augmentis. Datum Viterbij v 11. Kal. Iunij, anno duodecimo.

ARCHIPRESBYTERO ET
Capitulo Garaganice Ecclesie.

Dilectus filius D. basilicæ principis Apostolorum Canonicus præbendam quam olim in Ecclesia vestra tenuerat sponte in nostris manibus resignavit; quam nos dilecto filio Bartholomæo clerico & familiari nostro, quem suæ probitatis obteutu nos & fratres nostri carum habemus admodum & acceptum, de benignitate sedis apostolicæ duximus conferendam, & eum de ipsa cum pertinentiis suis manibus propriis curavimus investire. Quocirca universitati vestræ per apostolica scripta mandamus atque præcipimus quatenus dictum Bartholomæum in fratrem vestrum & Canonicum admitrentes, & eum in Choro & locum in Capitulo assignantes, præbendam ipsam cum integritate omnimoda ipsius nuntio sublato cujuscumque contradictionis & appellationis obstaculo assignetis, mandatum apostolicum taliter impleturi quod idem Bartholomæus, qui vobis & Ecclesiæ vestræ poterit existere fructuosus, teneatur apud nos de cetero vestra negotia promovere, ac nos devotionem vestram debeamus merito commendare. Datum Laterani 11. Idus Maij, pontificatus nostri anno duodecimo.

IOHANNI STRIGONIENSI
Archiepiscopo & successoribus ejus canonicis
substituendis in perpetuum.

Illis petentium precibus dignum est facilem nos præbere assensum, & vota quæ à rationis tramite non discordant effectur prosequente complere. Cum ergo, venerabilis in Christo frater, postulasles à nobis ut jus coronandi Vngaricos Reges, quod ad te ac successores tuos asseris pertinere, tibi & illis apostolico dignemur privilegio confirmare, nos inspecto regeſto felicitis recordationis Alexandri Papæ prædecessoris nostri, in eo perspeximus contineri quod cum Principes & Barones Vngarici regni ab eodem prædecessore nostro cum multa precum instantia postularint ut si bonæ memoriæ Laurentius prædecessor tuus juxta mandatum ipsius inclinatæ recordationis Belam tunc in Regem Vngarorum electum contradiceret coronare, ipsi per alium imponi regni faceret diadema, ne regno & Ecclesiæ Vngariæ gravia possent pericula provenire si dictus

Bela eceleriter unctionem non reciperet & coronam, idem prædecessor noster præfato prædecessori tuo per apostolica scripta mandavit & in obedientiæ virtute præcepit ut supradictum electum in Regem omni dilatione, contradictione, & appellatione postpositis coronaret, aut si per seipsum eum fortè pro debilitate corporis coronare non posset, bonæ memoriæ Colocensi Archiepiscopo intimaret ut eum absque præjudicio honoris & dignitatis ipsius ac Strigoniensis Ecclesiæ, congregatis Episcopis regni in loco ubi Reges coronari consueverunt, in Regem inungeret, & sibi coronam imponere non differret, recepto priùs ab eodem electo in Regem scripto de consilio & assensu ipsorum & Principum regni apertè suo sigillo bullato quod ex hoc nullum ei vel Strigoniensi Ecclesiæ præjudicium fieret quod minùs Vngarici Reges ab Archiepiscopis ejusdem Ecclesiæ semper debeant coronari, præfato Colocensi dans nihilominus in præceptis ut si sæpèdictus prædecessor tuus coronare nollet eundem nec in hac parte ipsi committere vices suas, idem auctoritate apostolica fretus, contradictione ac appellatione postpositis, absque præjudicio illius & Strigoniensis Ecclesiæ non postponeret coronare, ita quidem quod idem electus in Regem ante coronationem suam Ecclesiæ sæpèfate scriptum faceret supradictum, quod idem ipsi fecit postmodum in hæc verba. *Ego Bela Dei gratia Vngarie, Dalmatiæ, Croatia, Rameque Rex divina disponente clementia suscipio coronam de manu Colocensis Archiepiscopi, sed non in præjudicium Strigoniensis Ecclesiæ quod minùs Vngarici Reges ab ejusdem Ecclesiæ Archiepiscopis semper debeant in posterum coronari.* Felicitis quoque recordationis Clemens & Celestinus ad instar præfati prædecessoris nostri dignitatem coronationis Regum Vngarorum decessoribus tuis & Ecclesiæ tibi commissæ auctoritate apostolica confirmarunt. Nos igitur eorundem prædecessorum nostrorum velligiis inhærentes, præfatum jus, ut videlicet Vngarici Reges ab Archiepiscopis Strigoniensibus semper debeant coronari, tibi & successoribus tuis auctoritate apostolica confirmamus & præsentis scripti privilegio communimus. Salva semper apostolicæ sedis auctoritate, à qua Vngarici regni corona processit. Dcernimus ergo ut nulli omnino hominum liceat hanc paginam nostræ confirmationis infringere vel ei ausu temerario contraire. Si quis autem hoc attentare præ-

S f ij

Epist. 47.
V. Bartholomæo
restituendo in Casu
licum.

Epist. 48.
De confirmatione
privilegii
licum.

Epist. 49.
De confirmatione
privilegii
P. 11. lib. 12.
epist. 116.

Tom. I I.